



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Stvdivm Veræ Sapientiaë**

Dritter/ Vierdter vnd Fünffter Theil deß: Stvdii Veræ Sapientiaë

**Vivo, Agostino di**

**München, M.DCI**

Durch was Mittel der Mensch in disem Leben leichtlich gnung thun könne  
für die Straff des Fegfewrs.

[urn:nbn:de:hbz:466:1-47878](https://nbn-resolving.org/urn:nbn:de:hbz:466:1-47878)

Durch was Mittel der Mensch in diesem  
Leben leichtlich genug thun könne für die  
straff des Segens.

**W**eil die armselige condition vñ gelegenheit des Mens-  
chen/ dermassen beschaffen ist/ daß ihrer wenig gesun-  
den werden/ welche nit tauglich vñ bequem seind/ ein  
jede schwere Sünd zubegehen/ vñnd aber nit alle Menschen  
zugleich sufficient vñd gnugsamb seind/ einerley modum der  
Bueß zuuerichten/ so hat der gütig Gott das Menschliche  
geschlecht versehen mit allerhandt sorten der Bueß/ vñd hat  
ihnen verlichen vnterschiedliche weeg/ genug zuthun/ nach ge-  
legenheit der commoditet/ occasion/ vñ standts der Personen/  
damit also niemandt/ nach seinem todt/ sich billich habe zu-  
beclagen/ daß er nit habe können genug thun für seine Sünd.  
Vñd vnter andern mitteln ist das fürnembste/ der Schatz der  
Indulgentzen/ welche vns von den heiligen Männern seindt  
verlassen worden/ zur hülf der Sündern/ welche 3. Männer  
vil Werck der satisfacion haben begangen/ deren sie nicht bes-  
türfftig waren/ als da seind die jenigen/ welche entweder kei-  
ne Sünd an jnen hatten/ für die sie zeitlich hetten sollen wers-  
den gestrafft/ oder aber ob sie schon etwa ein Sünd hatten/  
sie doch Gott dem Herrn auffgeopfert haben mehrere werck  
der satisfacion/ weder sie schuldig waren/ wie solches der hei-  
lig Geist offenbart hat durch den Propheten/ sprechende:  
Vtinam apprenderentur peccata mea in statera, & calamitas quā  
patior, quasi arena maris multo grauior appareret. In diesem  
heiligen Schatz werden auch gefunden die oberflüssige ver-  
dienst des pafsions vnser 3. Ern Jesu Christi/ wie auch der  
Schmerzen/ welchen ohne Sünd gelitten hat sein gebene-  
deyte Mutter.

Iob. 7.

Diser Schatz/ welchen Christus/ als ein Breutigam/  
hinderlassen hat diser Kirchen als seiner Braut/ pflegt der  
Pabst zu Rom/ welcher in der Kirchen besizet das ort des  
Breutigams/ zu dispandiren vñd außzuthailen dem Christ-  
lichen Volck/ theils oder gantz/ wie es ihm gefellig/ von der  
zeit



zeitlichen straff/ welche sie betten müssen außstehen in diesem  
 Leben oder im Fegew. Wer derwegen in diesem Leben be-  
 gert gnug zuthun dem ewigen Richter vnd sich zubefreyen  
 von der obligation der straff des Fegewis / der soll sich nit  
 verdriessen lassen/ anzunehmen vnd zugebrauchen solche kreff-  
 tige remedia der Indulgentzen: Aber doch soll er darneben  
 wissen / daß sie ihm wenig oder gar nichts werden heiffen/  
 wofern er nit alles thut was der inhalt solcher Indulgentzen  
 mit sich bringet/ vil weniger wofern er sich/ in annemung ders  
 selbigen/ nit befindet im Stande der gnaden vnd der lieb/ Das  
 ist/ ohne einige Todesünd/ seychermal der passion des H. Xpi  
 ( durch dessen fürnembsre krafte die Indulgentzen werden er-  
 theilt ) nur hilfft den lebendigen Glidern/ als da seind die jes  
 nigen welche sich im Stande der gnaden befinden/ vnd nit  
 den todten Glidern/ welche durch die Sünd todt seind. Da-  
 her dann der heilig Thomas vns recht vnd wol hat gerathen/  
 daß/ ob schon die jenigen/ welche die Indulgentzen empfangen/  
 nit schuldig seind/ ainiche andere Buß zuthun/ es doch allzeit  
 gut vnd heylsamb ist/ daß der Mensch sich immerdar vbe in  
 den Werck der Buß/ auß nachfolgenden vrsachen: Erstlich/  
 weil die Indulgentzen allen satisfactoria vnd ein gnugthuung  
 seind für die allbereit begangene Sünd / aber die Werck der  
 Buß seind auch ein medicina preseruatiua der Sünden/ wel-  
 che noch können werden begangen ins künfftig. Daher spricht  
 der Philosophus/ daß die straffen seyen ein Arzney. Also auch  
 vnd nit weniger seind die Werck der Buß nit allein satisfactoria  
 vnd gnugthuung als wie die Indulgentzen/ sonder sie helffen  
 auch ihre wircker wachsen in der gnaden vñ lieb/ welches  
 aber die Indulgentzen nit thun. Dann wie der Schatz der  
 Küchen nicht componirt noch gemacht würdt von den Wer-  
 cken der heyligen/ als verdienen sie die gnad vnd glori / son-  
 der als satisfactoria / eben also werden sie nit von den Präla-  
 ten bewilligt zur vermehrung der gnad/ sonder allein zur ver-  
 zeyhung der straff der Sünden. Weil aber an dem heyl vñ  
 rer Seelen dermassen vil ist gelegen / so ist vil sicherer / daß  
 man die Indulgentzen empfahe / vnd dannoch beyneben  
 immerdar abwarre vnd oblige dem Wercken der Buß/ weder  
 daß



daß man sich bloßlich verlasse auff die Indulgentias/ vnd vn-  
terlasse guts zuwirken.

Zudem/ ob wol die Indulgentzen seind kreffttige mittel/  
zur verzeyhung der zeitliche straff/ so kans sich doch begeben/  
daß weil wir entweder nicht alles thuen/ darumb die Indul-  
gentzen werden bewilligt/ oder aber weil wir etwa nit gnug/  
samer Buess haben gewirckt/ wir lestlich den blossen schiessen  
vnd mit lären Zenden bestehen. Vnd deswegen soll ein  
frommer Christ keins wegs auffhöden noch ablassen von den  
Wercken der Buess/ vnd danoch mit grosser andacht an-  
nehmen die Indulgentzen/ Dann/ ob sich schon lestlich begeben/  
daß er/ vermittelst der Indulgentzen/ gnug habe gethan für  
seine Sünd/ so seind doch die gute Werck/ die er thut/ nit verz-  
loren/ sonder sie werden deponirt vnd hindergelegt (als vil die  
satisfaction belangt) im Schatz der heiligen Kirchen/ seinen  
Brüdern zuhülff vnd gutem/ allermassen die Werck der an-  
dern Heyligen ihm geholffen haben zur satisfaction für seine  
Sünd.

Die Werck der Buß aber/ in denen der Christ sich sol vben  
wan er im standt der gnaden ist/ seind fürnemlich das fasten/  
das Gebett/ vnd die Almosen: Item das walsarten gehen/  
das wachen/ die härne Klaiden tragen/ sich selbst discipli-  
niren/ lasteyen vnd geißeln: auff herten Betthen schlaffen/  
vnd andere Werck/ welche das fleisch anfechten vnd vnter  
dem fasten werden begriffen. Desgleichen die Werck der  
geistlichen barmherzigkeit/ so da accompagnirt vnd beglaitet  
werden mit dem Gebett: wie auch die Werck der leiblichen  
barmherzigkeit welche beschehen mit dem Almosen. Nit  
weniger seind die Trübsal/ welche vns von Gott werden zu-  
geschickt/ kreffttige mittel/ gnug zuthun für die zeitliche straff  
der Sünden/ wofern sie im standt der gnaden gedultiglich  
werden außgestanden.

Vnter disen Wercken der satisfaction aber pflegen die  
affectiones/ macerationes vnd außmägerung des eignen fleis-  
ches/ excellentamente oder trefflich zumerlönen die götliche  
Gerechtigkeit. Wer derwegen einen ernstlichen fürsatz hat/  
gnug zuthun für seine Sünd inn disem Leben/ der muß sich



Übung der wahren Weisheit/

waffnen mit einem bescheidenen haß wider das eigne fleisch/ vnd er muß es beladen mit allen denen penitentzen vñ Buessen/ die es kan ertragen. Dann durch dieses mittel wirdt er mit allein gnug thun der göttlichen Gerechtigkeit/ sonder er wirt sich auch täglich seelig machen zuempfangen ein grössere vermehrung der himlischen Gnad. Dañ was kan billlicher sein/ als daß der Körper/ welcher ihn geführt hat zu den appetiten vnd lust des sündigens/ gleichfals werde außgemägert vnd betrübt in der reinigung der Sünden? Zudem/ gleich wie wir/ in deme wir dem Leib haben gezärtelt vñ geschmeichelt/ erzürnt haben Gott den Herrn/ eben also will er/ daß wir demselben Leib mißfallen vñ ihn kasteien/ Gott zuverhöhren. Wer aber solches wegen seiner incommodierten oder Leibeschwachheiten/ nicht kan thun/ derselb muß desto freygebiger sein im Almosen/ welche vil herrlicher sind/ weder die außmägerungen des Leibs/ seytimal sie nit allein helfen deme/ der sie außscheilet/ sonder auch dem armen Christi. Wer auch solches auß armut nicht thun kan/ der soll sich begeben zum Gebett vñ sonderlich zum Rosenkrantz vnserer lieben Frau: für alle soll er bitten/ alle soll er lieben/ vnd allen soll er verzeihen vnd vergeben wegen der Lieb Jesu Christi/ dann das durch soll ihm werden vergeben sein Sünd/ Inmassen der gütig Herr vns hat verheissen/ sprechendt: Si dimiseritis hominibus peccata eorum, dimittet & vobis Pater vester celestis peccata vestra, das ist: So ihr den Menschen verzeihen werdet ihre Sünd/ so wirdt euch ewer himlischer Vatter verzeihen ewre Sünd.

Matth. 6.

Zu abteilung auch der schuldigen straff für die Sünd/ ist ein heylsames remedium/ daß man den Flechten vnserer weise vnd bringe zu Christo/ dann vnter allen göttliche Wercken ist dieses ein göttliches Werck/ dz man nemlich mit Gott wircke in der bekehrung vñ widerbringung der Seelen zu ihm. Vnd beschließlichen/ ist die öfftere niessung des hochwüirdigen Sacraments des Altars ein kreffteigs mittel zur satisfaction vnd gnugthuung für die Sünd/ dann vmb wie vil andächtiger es wirt empfangen/ vmb so vil mehr reinigt es von der straff die man schuldig ist zu bezahlen im Jeggew. Dieses  
sünd



seind die Herliche remedia zur satisfaktion vnd gungthung für die Sünd/ welche remedia vns hinderlassen hat der aller gütigst Dreutigam vnserer Seelen Jesus Christus. Niemand aber vnterschehe sich sie zuerwerffen vnd zusprechen: Was frag ich darnach/ oder was ist mir dian gelegen ob ich schon ins Fegfewi komme/ wofern ich nur hernacher werde im Himmel kommen? Niemandt soll solches sagen ( spricht der H. Augustinus ) seytemal das Fewi des Purgatorij oder Fegfewis vil grausamer ist/ weder einige andere marter/ die in diesem leben könten werden gesehen/ erdacht od empfunden. Vil woz niger soll sich jemandt diauff verlassen/ daß einer verriecht habe die Buess/ die ihm aufferlege ist worden vom Priesfer. Dañ (wie der heilig Antoninus spricht) die Buß/ welche aufferlege wurd in der Beicht/ ist gemeintlich gleichsamb nichts gegen deme was man Gott schuldig ist. Vnd deswegen spricht der H. Bernardus: Schmeichle dir selbst nit/ vmb daß du schwerlich hast gesündigt vnd dir aufferlegt ist worden ein geringe Buess vom Priesfer/ welche er entweder nicht gewußt/ oder aber dissimuliert/ Dañ du solt wissen/ dz du im Fewi des purgatorij muß erstatten/ was du allhie hast zuwenig gethan/ daß Gott erfordert würdige fruchte der Buess. Wann derwegen der Mensch sich verhütet wirdt haben vor den andern Sünden/ vnd durch solche mittel der satisfaktion gewirckt wurd haben in diesem Leben/ so mag er versichert sein/ daß er nach seinem todt nit bedürffig sein werde eines andern Sacrificij/ seythemal er vor dem todt sich selbst zu einem Sacrificio auffgeopffert hat Gott dem Herrn.

## Cap. XIX.

Wie straffmessig die jenigen seyen/ welche nachlessig seind/ den Seelen der verstorbenen zu fauoriliren vnd zuhelffen.

**E**in zweifel ist/ daß die Seelen der abgestorbenen/ welche im Fegfewi seind/ immerdar verlangen vnd seuffen